

UNIVERZITET U TUZLI

Broj: 01-260-JN-13/25

Tuzla, 05.02.2026. godine

U skladu sa članom 69. stav (1) i (3), članom 70. stav (1) i (4) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i članom 64. Statuta Univerziteta u Tuzli broj: 03-5695-1-2/23 od 18.10.2023. godine, a na osnovu preporuke iz Službene zabilješke broj: 01-260-JN-12/25 od 05.02.2026. godine, po punomoći Rektora Univerziteta u Tuzli broj: 01-6591/25 od 18.09.2025. godine Direktor za ekonomske poslove d o n o s i

O D L U K U

O PONIŠTENJU POSTUPKA JAVNE NABAVKE

I

Poništava se otvoreni postupak javne nabavke softvera za praćenje karijera studentata i alumnijs (realizacija projekta Gender Equality in Academia and Research - GEAR) iz razloga jer ponuđač "Digitalni ozon" d.o.o. Banja Luka, čija je ponuda ocjenjena kao prihvatljiva, nije dostavio tražene dokaze iz člana 45. stav (2) tačka a) do d) Zakona o javnim nabavkama u roku koji je odredio ugovorni organ u Tenderskoj dokumentaciji i Odluci o izboru najpovoljnijeg ponuđača broj: 01-260-JN-9/25 od 14.01.2026. godine.

II

Stupanja na snagu ove Odluke stavlja se van snage Odluka o izboru najpovoljnijeg ponuđača broj: 01-260-JN-9/25 od 14.01.2026. godine.

III

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

IV

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

Obrazloženje

Univerzitet u Tuzli pokrenuo je postupak javne nabavke softvera za praćenje karijera studenata i alumnijs (realizacija projekta GEAR) putem Otvorenog postupka javne nabavke broj: 01-260-JN-2/25 od 21.11.2025. godine objavljenom na Portalu javnih nabavki „E-nabavke“ broj: 795-1-1-193-3-183/25 od 21.11.2025. godine, web stranici Univerziteta i sažetak obavještenja u „Službenom Glasniku BiH“ broj: 71/25 od 18.11.2025. godine.

U ostavljenom roku ponudu su blagovremeno dostavila dva ponuđača „Digitalni ozon“ d.o.o. Banja Luka i „Resonate“ d.o.o. Tuzla.

Nakon javnog otvaranja ponuda Komisija za provođenje postupka javne nabavke izvršila je detaljan pregled dostavljenih ponuda te utvrdila da je ponuđač „Resonate“ d.o.o. Tuzla dostavio na str. 3-4 Obrazac za ponudu - Aneks 2 koji nije ovjeren pečatom ponuđača na mjestu predviđenom za ovjeru. Nadalje, navedeni ponuđač na str. 22-26 dostavio je Nacrt ugovora - Aneks 10 TD koji nije ovjerio svojim pečatom, a u napomeni Nacrta ugovora jasno se navodi "Ukoliko ponuđač ne popuni nacrt ugovora smatrat će se da je saglasan sa predloženim uslovima, a u svakom slučaju ponuđač je dužan isti potpisati i ovjeriti svojim pečatom".

Zbog svega naprijed navedenog a uvažavajući član 68. stav (1) ZJN BiH, u kojem je propisano da ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz o ispunjenju uslova iz člana od 45. do 51. ovog Zakona, i da je članom 68. stav (4) tačka i) propisano da je ugovorni organ dužan odbaciti ponudu u slučaju da ponuda nije potpuna i ne ispunjava zahtjeve iz tenderske dokumentacije i činjenice da je postupak javne nabavke stogo formalan postupak i da svaki nedostatak predstavlja osnov za odbacivanje ponude sa nedostatkom, ponuda ponuđača „Resonate“ d.o.o. Tuzla se odbacuje kao nepravilna i nije išla u dalju proceduru.

Ponuda ponuđača "Digitalni ozon" d.o.o. Banja Luka je u skladu sa zahtjevima iz Tenderske dokumentacije, sadrži sve kvalifikacione dokaze zahtijevane tenderskom dokumentacijom, ponuđenu robu u skladu sa traženim minimalnim karakteristikama zbog čega je ocijenjena kao prihvatljiva.

Obzirom da je ponuda ponuđača "Digitalni ozon" d.o.o. Banja Luka jedina ocijenjena kao prihvatljiva ugovorni organ je Odlukom o izboru najpovoljnijeg ponuđača broj: 01-260-JN-9/25 od 14.01.2026. godine odabrao navedenog ponuđača kao najpovoljnijeg. U tački III Odluke o izboru najpovoljnijeg ponuđača je određen rok odabranom ponuđaču za dostavu dokumentacije iz člana 45. stav (2) tačka a) do d) Zakona a koji su precizno definisani u tački 8. Tenderske dokumentacije, a što se navodi i u tački 8.1. TD da je izabrani ponuđač dužan da u roku od 5 dana od prijema obavještenja o rezultatima postupka nabavke, dostavi dokumentaciju iz člana 45. stav (2) tačaka a) do d) ZJN.

Ponuđač "Digitalni ozon" d.o.o. Banja Luka je dana 21.01.2026. godine putem pošte dostavio dokumentaciju iz člana 45. stav (2) tačka a) do d) Zakona, ali nakon proteka ostavljenog roka od strane ugovornog organa, jer je ponuđač bio dužan dostaviti dokumentaciju najdalje do 19.01.2026. godine, tj. u roku od 5 dana od prijema obavještenja o rezultatu postupka nabavke a obaviješten je dana 14.01.2026. godine. Da ponuđač nije dostavio zahtijevanu dokumentaciju u određenom roku potvrđuje prijemna pošta na pisarnici ugovornog organa i web aplikacija poste.ba, odjeljak praćenja pošte.

Obzirom da je odabrani ponuđač prema Odluci o izboru najpovoljnijeg ponuđača propustio dostaviti orginale ili ovjerene kopije dokumentacije iz člana 45. stav (2) tačka a) do d) Zakona o javnim nabavkama BiH, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ, te da je u predmetnom postupku javne nabavke ponuda odabranog ponuđača jedina bila prihvatljiva, a postupak javne nabavke se mora okončati na jedan od načina definisan članom 69. Zakona to je i odlučeno kao u dispozitivu ove Odluke tj. da se postupak nabavke poništava u skladu sa članom 69. stav (3) Zakona.


Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

DOSTAVITI:

1x ponuđačima

1x a/a



DIREKTOR ZA
EKONOMSKE POSLOVE

Alden Osmanbegović, dipl. ecc.